

ք. Երևան

«03» դեկտեմբերի 2012թ.

Երևան համայնքը, ի դեմս քաղաքապետ Տ.Մարգարյանի, որի անունից 2012 թվականի նոյեմբերի 27-ի հ.7555-Ա որոշման հիման վրա հանդես է գալիս աշխատակազմի տրանսպորտի վարչության պետ Հ.Նավասարդյանը (այսուհետ՝ Պատվիրատու), մի կողմից և «Երևանի ավտոբուս» ՓԲԸ-ն, ի դեմս տնօրեն Է.Թարփոշյանի, որը գործում է համաձայն կանոնադրության, (այսուհետ՝ Փոխադրող), մյուս կողմից, հիմք ընդունելով «Ավտոմոբիլային տրանսպորտի մասին» ՀՀ օրենքի 11-րդ հոդվածի 6-րդ մասի, ՀՀ կառավարության 2001թ. օգոստոսի 16-ի հ.762 և 16.10.2008թ. հ.1167-Ն որոշումների և Երևանի քաղաքապետի 2012 թվականի նոյեմբերի 27-ի հ.7555-Ա որոշման դրույթները, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

Սույն պայմանագրով Պատվիրատուն հանձնարարում է, իսկ Փոխադրողը պարտավորվում է Երևանի քաղաքապետի 2012 թվականի նոյեմբերի 27-ի հ.7555-Ա որոշման համաձայն ավտոբուսային հ.38 երթուղում իրականացնել կանոնավոր փոխադրումներ:

2. ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐԸ

- 2.1. Փոխադրողը պարտավոր է.
 - 2.1.1. ապահովել ավտոբուսների (միկրոավտոբուսների) տեխնիկական սպասարկումը, ընթացիկ նորոգումը և դրանց հաշվառումը,
 - 2.1.2. երթուղու որևէ հատվածում երթևեկության հարկադրված դադարեցման կամ սահմանափակման դեպքում /շինարարական աշխատանքներ և այլն/ դրա մասին անհապաղ տեղեկացնել հերթապահ երթակարգավարին և նրա հրահանգավորումից հետո միայն երթուղին ժամանակավորապես շահագործել այլ ուղեգծով և չվացուցակով,
 - 2.1.3. ապահովագրել երրորդ անձանց կյանքին, առողջությանը կամ գույքին պատճառված վնասի հատուցման իրենց քաղաքացիական պատասխանատվության ռիսկը Հայաստանի Հանրապետության օրենսդրությանը համապատասխան,
 - 2.1.4. արտակարգ իրավիճակների ժամանակ լիազոր մարմնի պահանջով, համարժեք փոխհատուցման պայմանով, տրամադրել անհրաժեշտ քանակությամբ տրանսպորտային միջոցներ՝ բնակչության տարհանման աշխատանքներում ներգրավելու համար,
 - 2.1.5. ՀՀ կառավարության 2001թ. օգոստոսի 16-ի հ.762 որոշմամբ հաստատված կարգով նախատեսված ժամկետներում «Երևանտրանս» ՓԲ ընկերության հետ կնքել երթուղու սպասարկման ծառայությունների մատուցման պայմանագիր,
 - 2.1.6. Ապահովել երթուղու անխափան սպասարկումը,
 - 2.1.7. Երթուղու սպասարկումն իրականացնել բացառապես Երևանի քաղաքապետի 2012թ. մարտի 30-ի թիվ 2911-Ա որոշմամբ սահմանված ուղեգծով՝ սույն պայմանագրին կից հավելվածում (այն հանդիսանում է սույն պայմանագրի անբաժանելի մասը) նշված, դեղին հիմնագույնի համարանիշերով կառավորված միկրոավտոբուսներով (ավտոբուսներով) և սահմանված նմուշի երթուղային ցուցահարթակներով;
 - 2.1.8. Երթուղին սպասարկել հաստատված չվացուցակին համապատասխան (միկրոավտոբուսային երթուղիները սպասարկել երթուղային տաքսու ռեժիմով);
 - 2.1.9. Անվճար տեղափոխել (բացառությամբ միկրոավտոբուսներով իրականացվող փոխադրումների) ՀՀ կառավարության 1997թ. հուլիսի 8-ի հ.251 և 2010թ. ապրիլի 22-ի հ.481-Ն որոշումներով սահմանված արտոնություններից օգտվող քաղաքացիներին;
 - 2.1.10. Երթուղին սպասարկել 100 (հարյուր) դրամ փոխադրավարձով;
 - 2.1.11. Երթուղու սպասարկման ընթացքում որևէ միկրոավտոբուսի (ավտոբուսի) անսարքության դեպքում այն փոխարինել պայմանագրին կից ցուցակում ընդգրկված այլ միկրոավտոբուսով (ավտոբուսով);
 - 2.1.12. Միջոցներ ձեռնարկել երթուղին սպասարկող միկրոավտոբուսները սահմանված նստատեղերի քանակից ավելի ուղևորներով չշահագործելու համար;

- 2.1.13. Երթուղու սպասարկումից հրաժարվելու մտադրության դեպքում, սպասարկման դադարեցման օրվանից առնվազն 50 օր առաջ, այդ մասին գրավոր տեղեկացնել Պատվիրատուին;
- 2.1.14. Երթուղու սպասարկման ընթացքում ապահովել մրցույթի ներկայացված և սույն պայմանագրին կից ցուցակում ընդգրկված միկրոավտոբուսների (ավտոբուսների) համապատասխանությունը մրցութային պայմաններին;
- 2.1.15. Երթուղին սպասարկել միկրոավտոբուս (ավտոբուս) վարելու անհրաժեշտ որակավորում ունեցող վարորդների միջոցով;
- 2.1.16. Պատվիրատուի պահանջով անհապաղ տրամադրել պայմանագրային պարտավորությունների կատարման հետ առնչվող համապատասխան փաստաթղթեր;
- 2.1.17. Ղեկավարվել տրանսպորտի ոլորտում գործող օրենսդրական և գերատեսչական նորմատիվ ակտերով:
- 2.2 Պատվիրատուն պարտավորվում է.
- 2.2.1. Երթուղային ցանցին համապատասխան ապահովել երթուղու կանոնավոր սպասարկման համար անհրաժեշտ պայմաններ;
- 2.2.2. Երթուղու ուղեգծի և շարժման չվացուցակի փոփոխման անհրաժեշտության դեպքում նախապես տեղեկացնել Փոխադրողին;
- 2.2.3. Փոխադրողի առաջարկությամբ երթուղու ուղեգծի կամ շարժման չվացուցակի փոփոխության անհրաժեշտության դեպքում քննարկել առաջարկությունը և արդյունքների մասին ողջամիտ ժամկետում տեղեկացնել Փոխադրողին;
- 2.2.4. միկրոավտոբուսների (ավտոբուսների) երթևեկության անվտանգությանն սպառնացող գործոնների կամ երթուղում շարժման սահմանափակման /դադարեցման/ հետևանքով միկրոավտոբուսների (ավտոբուսների) շահագործման անհնարինության կամ սահմանափակման մասին անհապաղ տեղեկացնել Փոխադրողին;
- 2.2.5. Երթուղու ուղեգծում ապահովել անհրաժեշտ թվով կահավորված կանգառներ;
- 2.2.6. Փոխադրողին անհապաղ տեղեկացնել երթուղու սպասարկման ընթացքում հայտնաբերված թերությունների մասին:

3. ԿՈՂՄԵՐԻ ԻՐԱՎՈՒՆՔՆԵՐԸ

- 3.1. Փոխադրողն իրավունք ունի.
- 3.1.1. Երթուղում խափանված միկրոավտոբուսը (ավտոբուսը) փոխարինել պայմանագրին կից ցուցակում ընդգրկված այլ միկրոավտոբուսով (ավտոբուսով);
- 3.1.2. Մեկից ավելի ներքաղաքային միանման երթուղիներ սպասարկելիս, անհրաժեշտության դեպքում, երթուղում շահագործել իր կողմից սպասարկվող երթուղիներում ընդգրկված այլ միկրոավտոբուս (ավտոբուս);
- 3.1.3. Ներկայացնել գրավոր առաջարկություններ երթուղու սպասարկումը բարելավելու վերաբերյալ;
- 3.1.4. Երթևեկության անվտանգությանը սպառնացող կամ երթևեկությանը խոչընդոտող արգելքների մասին, որոնք վերաբերում են Պատվիրատուի գործառույթներին, անհապաղ տեղյակ պահել Պատվիրատուին և պահանջել դրանց ժամանակին վերացումը;
- 3.1.5. Սահմանված կարգով հարց բարձրացնել ուղեվարձի վերանայման համար;
- 3.1.6. Բողոքարկել առանց իր հետ համաձայնեցման այլ երթուղիների ուղեգծերի փոփոխման վերաբերյալ որոշումը, որի արդյունքում փոփոխված ուղեգծերը առավելապես կրկնում են իր կողմից սպասարկվող երթուղու ուղեգծին;
- 3.1.7. հրաժարվել երթուղու սպասարկման իրավունքից, այդ մասին առնվազն 50 օր առաջ գրավոր տեղյակ պահելով Պատվիրատուին, որի հետևանքով սույն պայմանագիրը համարվում է լուծված (միակողմանի հրաժարում):
- 3.2. Պատվիրատուն իրավունք ունի՝
- 3.2.1. Ցանկացած ժամանակ ստուգել Փոխադրողի կողմից սույն պայմանագրով ստանձնած պարտավորությունների կատարման ընթացքը՝ զննելով միկրոավտոբուսները (ավտոբուսները), ուսումնասիրելով փաստաթղթերը, խախտում հայտնաբերելու դեպքում կազմել արձանագրություն և կիրառել պատասխանատվության միջոցներ:
- 3.2.2. «Ավտոմոբիլային տրանսպորտի մասին» ՀՀ օրենքով նախատեսված դեպքերում և կարգով՝ Փոխադրողին զրկել երթուղու սպասարկման իրավունքից, որի հետևանքով սույն պայմանագիրը համարվում է լուծված (միակողմանի հրաժարում):
- 3.2.3. Փոխադրողի կողմից սույն պայմանագրի 2.1 կետի 2.1.7 և 2.1.10 ենթակետերով սահմանված պարտավորությունների խախտման արձանագրման դեպքում կիրառել պատասխանատվության միջոցներ:

**4. ՊԱՅՄԱՆԱԳՐԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ՉԿԱՏԱՐԵԼՈՒ
ԴԵՊՔԵՐՈՒՄ ՆԱԽԱՏԵՄՎՈՂ ՊԱՏԱՍԽԱՆԱՏՎՈՒԹՅՈՒՆԸ**

4.1. Փոխադրողը սույն պայմանագրի 2.1.7 ենթակետով սահմանված պարտավորության խախտման դեպքում.

ա) առաջին անգամ՝ զրավոր զուշացվում է.

բ) երկրորդ անգամ և հետագայում յուրաքանչյուր խախտման դեպքի համար Երևան համայնքի բյուջե է վճարում տուգանք 100.000 ՀՀ դրամի չափով:

4.2. Փոխադրողի կողմից սույն պայմանագրի 2.1.10 ենթակետով սահմանված պարտավորության խախտման դեպքում.

ա) առաջին անգամ՝ Երևան համայնքի բյուջե է վճարում տուգանք 50.000 ՀՀ դրամի չափով.

բ) երկրորդ անգամ և հետագայում յուրաքանչյուր խախտման դեպքի համար Երևան համայնքի բյուջե է վճարում տուգանք 100.000 ՀՀ դրամի չափով:

4.3. Սույն պայմանագրի 2.1.7 և 2.1.10 ենթակետերով սահմանված պարտավորությունների խախտման վերաբերյալ կազմվում է արձանագրություն, որտեղ ամրագրվում են խախտման վերաբերյալ անհրաժեշտ տվյալները:

4.4. Սույն պայմանագրով չկարգավորվող հարաբերությունները կարգավորվում են ՀՀ օրենսդրությամբ սահմանված կարգով:

5. ԱՆՀԱՂԹԱՀԱՐԵԼԻ ՈՒԺ

Անհաղթահարելի ուժի առկայությունը կողմերին ազատում է սույն պայմանագրով նախատեսված պարտավորությունների չկատարելու կամ ոչ պատշաճ կատարելու համար սահմանված պատասխանատվությունից:

**6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆԵՐԸ, ԳՈՐԾՈՂՈՒԹՅԱՆ
ԴԱԴԱՐՈՒՄԸ ԵՎ ԼՈՒԾՄԱՆ ԿԱՐԳԸ**

6.1. Սույն պայմանագիրն ուժի մեջ է 03.12.2012թ-ից մինչև 02.12.2022թ.:

6.2. Սույն պայմանագիրը համարվում է լուծված.

6.2.1. սույն պայմանագրի գործողության ժամկետի ավարտամբ,

6.2.2. սույն պայմանագրի 3.1. կետի 3.1.7. ենթակետով ու 3.2. կետի 3.2.2., ենթակետով նախատեսված դեպքերում:

7. ԱՅԼ ՊԱՅՄԱՆՆԵՐ

7.1. Սույն պայմանագիրը կարող է փոփոխվել և լրացվել միայն կողմերի փոխադարձ համաձայնությամբ՝ զրավոր փաստաթուղթ կազմելու միջոցով:

7.2. Պայմանագրի փոփոխությունները և լրացումները կատարվում են լրացուցիչ համաձայնագրով, որոնք կհանդիսանան սույն պայմանագրի անբաժանելի մասը:



7.3. Կողմերի միջև առաջացած վեճերը լուծվում են բանակցությունների միջոցով, իսկ եթե համաձայնություն ձեռք չի բերվում, ապա դատական կարգով:

7.4. Սույն պայմանագիրը կնքված է երկու հավասարազոր օրինակից, որոնցից մեկական օրինակը պահվում է կողմերի մոտ:

8. ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՑԵՆԵՐԸ, ՎԱՎԵՐԱՊԱՅՄԱՆՆԵՐԸ

ՊԱՏՎԻՐԱՏՈՒ

ՓՈՒՍԱԴՐՈՂ



Հ Ա Վ Ե Լ Վ Ա Մ

Երևանի քաղաքապետարանի և «Երևանի ավտոբուս» ՓԲԸ-ի միջև 03.12.2012թ. կնքված ավտոբուսային կանոնավոր փոխադրումների իրականացման պայմանագրի

Երևանի ներքաղաքային ավտոբուսային հ.38 երթուղու շարժակազմը

| Հ/Հ | Ավտոմեքենայի | | | | Երթուղում աշխատելու համար սահմանված ժամկետը |
|-----|----------------|----------------------|------------------------------|--------------------|---|
| | մակնիշը | հաշվառման համարանիշը | դեղին հիմնագույնի համարանիշը | թողարկման տարեթիվը | |
| 1. | HIGER KLQ6770G | 771 UL 64 | 4554S | 2011 | 02.12.2022թ. |
| 2. | HIGER KLQ6770G | 680 UL 64 | 4588S | 2011 | |
| 3. | HIGER KLQ6770G | 576 UL 64 | 4511S | 2011 | |
| 4. | HIGER KLQ6770G | 655 UL 64 | 4429S | 2011 | |
| 5. | HIGER KLQ6770G | 639 UL 64 | 4434S | 2011 | |
| 6. | HIGER KLQ6770G | 703 UL 64 | 4422S | 2011 | |
| 7. | HIGER KLQ6770G | 634 UL 64 | 4437S | 2011 | |
| 8. | HIGER KLQ6770G | 759 UL 64 | 4425S | 2011 | |
| 9. | HIGER KLQ6770G | 693 UL 64 | 4436S | 2011 | |
| 10. | HIGER KLQ6770G | 620 UL 64 | 4438S | 2011 | |
| 11. | HIGER KLQ6770G | 695 UL 64 | 4443S | 2011 | |
| 12. | HIGER KLQ6770G | 776 UL 64 | 4454S | 2011 | |
| 13. | HIGER KLQ6770G | 631 UL 64 | 4463S | 2011 | |
| 14. | HIGER KLQ6770G | 606 UL 64 | 4500S | 2011 | |
| 15. | HIGER KLQ6770G | 792 UL 64 | 4575S | 2011 | |
| 16. | HIGER KLQ6770G | 614 UL 64 | 4471S | 2011 | |
| 17. | HIGER KLQ6770G | 755 UL 64 | 4481S | 2011 | |
| 18. | HIGER KLQ6770G | 758 UL 64 | 4407S | 2011 | |

Պատվիրատու

Փոխադրող


Լիազորված անձ՝ Հ.Նավասարդյան

«Երևանի ավտոբուս» ՓԲԸ



(Signature)
(ստորագրություն)

03.12.2012թ.



Տնօրեն՝ Է.Թարվոշյան

(Signature)
(ստորագրություն)

03.12.2012թ.

Կ.Տ.